

ხელშეკრულება

სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“_____“, 2019 წ.

შემსყიდველი: საქართველოს განათლების, მეცნიერების, კულტურისა და სპორტის სამინისტრო, წარმოდგენილი ეკონომიკური დეპარტამენტის უფროსის ----- სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: -----, წარმოდგენილი მისი დირექტორის ----- სახით,

მისამართი: -----

საბანკო რეკვიზიტები: -----

საიდენტიფიკაციო კოდი -----

ერთი მხრივ - შემსყიდველი და მეორე მხრივ - მიმწოდებელი, N NAT----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს სმენის დარღვევის მქონე/ყრუ I-VI კლასის მოსწავლეებისთვის **ჟესტური ენის სწავლების სტანდარტისა და დაწყებითი საფეხურის პროგრამის შემუშავების მომსახურების (CPV:80200000) შესყიდვა**, წინამდებარე ხელშეკრულებისა და NAT ----- ელექტრონული ტენდერის პირობების შესაბამისად.

3. ხელშეკრულების ჯამური ღირებულება

3.1 ხელშეკრულების ღირებულება შეადგენს ----- (დაზუსტდება ხელშეკრულების გაფორმების მომენტისთვის) ლარს;

3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. მომსახურების გაწევის პირობები და მხარეთა უფლება-მოვალეობები

საკითხის აქტუალობის დასაბუთება

სმენის დარღვევის მქონე/ყრუ მოსწავლეთათვის ხარისხიანი განათლების უზრუნველყოფა, საქართველოს განათლების, მეცნიერების, კულტურისა და სპორტის სამინისტროს ერთ-ერთ პრიორიტეტულ საკითხს წარმოადგენს.

რამდენიმე წელია, რაც იმ საჯარო სკოლებში, რომლებშიც განათლებას სმენის შეზღუდვის მქონე მოსწავლეები იღებენ, სწავლების ენად ქართული ქესტური ენაა დამკვიდრებული, ხოლო ქართული ქესტური ენა საგნის სახით ისწავლება.

2018-2019 სასწავლო წლიდან დაწყებით საფეხურზე (I-VI კლასები) დაიწყო ახალი ეროვნული სასწავლო გეგმის დანერგვა, რომელშიც ჯერჯერობით არ არის გათვალისწინებული სმენის დარღვევის მქონე მოსწავლეთა ენობრივი განათლების საკითხები. ქართული ქესტური ენის სწავლების სტანდარტის ეროვნულ სასწავლო გეგმაში ინტეგრირება, ქართული ქესტური ენის სწავლა-სწავლებას უფრო თანმიმდევრულს და შედეგზე ორიენტირებულს გახდის, ქართული ქესტური ენის მომხმარებელ მოსწავლეებს ენის სწავლების საუკეთესო პირობებით უზრუნველყოფს და მათი ენობრივი მიღწევების შეფასების შესაძლებლობას შექმნის.

შესასრულებელი სამუშაოს აღწერილობა

მიმწოდებელმა სპეციალისტების ჯგუფთან ერთად უნდა უზრუნველყოს სმენის დარღვევის მქონე/ყრუ I-VI კლასის მოსწავლეებისთვის ქესტური ენის სწავლების სტანდარტის შემუშავება. სპეციალისტთა ჯგუფი უნდა შედგებოდეს:

- ენების მიმართულების სასწავლო გეგმების სპეციალისტ(ებ)ი (კოორდინირებული მუშაობის შედეგად ჯგუფს ლიდერობას უნდა უწევდეს ენების სასწავლო გეგმების სპეციალისტი);
- ენათმეცნიერი, ქართული ქესტური ენის სპეციალისტ(ებ)ი;
- მასწავლებელი, სმენის დარღვევის მქონე/ყრუ პირთა განათლების სფეროს სპეციალისტი;

ჯგუფი უნდა გაეცნოს სმენის დარღვევის მქონე/ყრუ მოსწავლეთა ენის სწავლების კუთხით არსებულ საერთაშორისო გამოცდილებას და ქესტური ენის სწავლების სხვადასხვა ქვეყნის (აშშ-ს ზოგიერთი შტატის, ნორვეგიის და სხვა) სტანდარტებს, შეიმუშაოს ქართული ქესტური ენის სწავლების კონცეფცია/მირითადი პრინციპები და უზრუნველყოს I-VI კლასებისთვის ქართული ქესტური ენის სწავლების სტანდარტში მათი ასახვა.

სტანდარტის შექმნის პროცესში მიმწოდებელმა უნდა ითანამშრომლოს საქართველოს განათლების, მეცნიერების, კულტურისა და სპორტის სამინისტროს სტრატეგიული განვითარების დეპარტამენტთან სამუშაო პროცესის მიმდინარეობის და შუალედური პროდუქტის გაცნობა-შეთანხმების მიზნით და გაითვალისწინოს დამკვეთის შენიშვნები და რეკომენდაციები.

მიმწოდებელი უზრუნველყოფს ჯგუფის გეგმიური და საჭიროებით განპირობებულ სამუშაო შეხვედრების ორგანიზებას შესაბამისი სამუშაო სივრცის გამოყოფითა და საჭირო ტექნიკური მხარდაჭერით (კომპიუტერი, პროექტორი, საკანცელარიო ნივთები და სხვა).

განსახორციელებელი სამუშაოს ეტაპები

- **პირველ ეტაპზე** ჯგუფი შეისწავლის სხვადასხვა ქვეყნის ქესტური ენის სწავლების სტანდარტს (მაგ.: აშშ, ნორვეგია და სხვა ნიმუშები ინგლისურ ენაზე) და საქართველოს ეროვნული სასწავლო გეგმის ენობრივი განათლების კონცეფციასა და საგანმანათლებლო პრინციპებს. ქესტური ენის სწავლა-სწავლების სტანდარტების დამუშავების და ლოკალური კონტექსტის სპეციფიკის გათვალისწინებით, სპეციალისტთა ჯგუფი შეიმუშავებს ქართული ქესტური ენის სწავლების კონცეფციის სამუშაო ვერსიას და ქართული ქესტური ენის სტანდარტის მონახაზს (სტრუქტურას), რომელსაც გააცნობს საქართველოს განათლების, მეცნიერების, კულტურისა და სპორტის სამინისტროს შესაბამისი ქვედანაყოფის წარმომადგენლებს უკუკავშირის და რეკომენდაციების მიღებისა და გათვალისწინების მიზნით.
- **მეორე ეტაპზე** ჯგუფი შეიმუშავებს ქართული ქესტური ენის სწავლა-სწავლების კონცეფციისა და ქართული ქესტური ენის სტანდარტის საბოლოო ვერსიას (დამკვეთისგან მიღებულ უკუკავშირსა და რეკომენდაციებზე

დაყრდნობით) და ქართული ჟესტური ენის სწავლების საგნობრივ პროგრამებს I-VI კლასებისთვის (სტანდარტი შესაძლოა დონეების მიხედვით იყოს შედგენილი).

- ხელშეკრულების ვადის ამოწურვამდე 10 სამუშაო დღით ადრე ორგანიზაციამ დამკვეთს უნდა წარუდგინოს შემუშავებული პროდუქტის საბოლოო ვერსია, უკუკავშირისა და რეკომენდაციების მიღებისა და საბოლოო პროდუქტში გათვალისწინების მიზნით.

საბოლოო პროდუქტი - ზოგადი განათლების დაწყებითი საფეხურის ჟესტური ენის სტანდარტი და დაწყებითი საფეხურის პროგრამები უნდა მოიცავდეს:

- ქართული ჟესტური ენის სწავლების კონცეპტუალურ საკითხებს, სმენის დარღვევის მქონე/ყრუ მოსწავლეების ენობრივ, კულტურულ და საგანმანათლებლო თავისებურებებს და ეროვნული სასწავლო გეგმის მიზნებს.
- ქართული ჟესტური ენის სასწავლო გეგმას:
 - ✓ ქართული ჟესტური ენის სწავლა-სწავლების მიზნებს ეროვნული სასწავლო გეგმის გათვალისწინებით;
 - ✓ I-VI კლასების სტანდარტს ეროვნული სასწავლო გეგმის საგნობრივი სტანდარტების სტრუქტურის დაცვით (შედეგები და შესაბამისი ინდიკატორები, შინაარსი, შეფასება, მეთოდოლოგია, საათობრივი დატვირთვა);

ანგარიშგება და მონიტორინგი:

1) **მიმწოდებელი** საქართველოს განათლების, მეცნიერების, კულტურისა და სპორტის სამინისტროს ყოველთვიურად წარუდგენს:

- ანგარიშს განხორციელებული სამუშაოს შესახებ;
- შუალედურ პროდუქტს „განსახორციელებელი სამუშაოს ეტაპებში“ მოცემული პირობების თანახმად.
- საბოლოო ანგარიშს შესრულებული სამუშაოსთან/პროდუქტთან ერთად;

2) **განათლების, მეცნიერების, კულტურისა და სპორტის სამინისტრო** მომსახურების გაწევის ნებისმიერ ეტაპზე გაუწევს მონიტორინგს ქართული ჟესტური ენის სწავლების სტანდარტისა და წლიური პროგრამის შემუშავების პროცესს, უზრუნველყოფს პრეტენდენტი ორგანიზაციისთვის ჟესტური ენის სწავლების სტანდარტის რამდენიმე ქვეყნის ნიმუშის მიწოდებას ინგლისურ ენაზე ხელშეკრულების გაფორმებისთანავე, ასევე, უზრუნველყოფს ეროვნული სასწავლო გეგმების ექსპერტებთან კონსულტირებას მომზადებული სტანდარტისა და წლიური პროგრამის ეროვნულ სასწავლო გეგმასთან თავსებადობის მიზნით.

მიმწოდებელმა უნდა გაითვალისწინოს შემსყიდველის მოსაზრებები და შენიშვნები წარმოდგენილ ყოველთვიურ პროდუქტთან მიმართებაში და ასახოს ცვლილებები ყოველ შემდეგ ეტაპზე წარმოსადგენ პროდუქტში.

მიმწოდებელმა საქართველოს განათლების, მეცნიერების, კულტურისა და სპორტის სამინისტროს ხელშეკრულების გაფორმებიდან 7 სამუშაო დღეში უნდა წარუდგინოს ტექნიკური დავალების შესრულებისთვის აუცილებელ სპეციალისტებთან გაფორმებული ხელშეკრულებები, სადაც ნათლად იქნება მოცემული სპეციალისტების სამუშაო აღწერილობები.

5. მომსახურების გაწევის ვადა და ადგილი

5.1 მომსახურება განხორციელდება ხელშეკრულების გაფორმებიდან არაუგვიანეს 2019 წლის 30 ნოემბრისა, თითოეული ეტაპისთვის საჭირო კალენდარული დღეების მიხედვით გაწერილი გეგმა-გრაფიკის შესაბამისად (დაზუსტდება ხელშეკრულების გაფორმების მომენტისთვის).

5.2 ხელშეკრულებით გათვალისწინებული მომსახურება მიმწოდებელმა (ანგარიშგების სახით) უნდა მიაწოდოს შემსყიდველს შემდეგ მისამართზე: ქ. თბილისი, დ. უზნაძის N52.

6. ანგარიშსწორების ფორმა და ვადები

6.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

6.2 დასაშვებია წინასწარი ანგარიშსწორების გამოყენება, არაუმეტეს საერთო სახელშეკრულებო ღირებულების 30%-ს ოდენობით. ასეთ შემთხვევაში, მიმწოდებელი ვალდებულია წარმოადგინოს წინასწარ გადასახდელი თანხის იდენტიური ოდენობის უპირობო და გამოუთხოვადი საბანკო გარანტია საავანსო თანხაზე, რომლის მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას. მიმწოდებელმა ავანსის თანხები უნდა გამოიყენოს მხოლოდ ამ შესყიდვასთან დაკავშირებული ვალდებულებების შესასრულებლად.

6.3 ანგარიშსწორება განხორციელდება საბოლოო პროდუქტის წარმოდგენის საფუძველზე, მხარეთა უფლებამოსილი წარმომადგენლების მიერ მიღება-ჩაბარების აქტის გაფორმებიდან 10 სამუშაო დღის ვადაში. ხოლო იმ შემთხვევაში, თუ გამოყენებული იქნება წინასწარი ანგარიშსწორების მექანიზმი, ანგარიშსწორება მოხდება 6.2 პუნქტში მითითებული პირობის შესაბამისად.

შენიშვნა: მიმწოდებელს უფლება აქვს დადგენილ ვადებზე ადრე წარმოადგინოს საბოლოო პროდუქტი და მიიღოს შესაბამისი ანაზღაურება.

6.4 დაფინანსების წყაროს წარმოადგენს 2019 წლის სახელმწიფო ბიუჯეტი: (“ინკლუზიური სწავლების ხელშეწყობის პროგრამის” „ინკლუზიური განათლების საინფორმაციო და მეთოდოლოგიური მხარდაჭერის ქვეპროგრამა“ (პროგრამული კოდი 320601).

7. შესყიდვის ობიექტის მიღება-ჩაბარების წესი

7.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

7.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-8 მუხლის 8.1 პუნქტით განსაზღვრული კონტროლის განმახორციელებელი პირის დასკვნა.

7.3 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს ----- (დაზუსტდება ხელშეკრულების გაფორმების მომენტისთვის).

8. ხელშეკრულების შესრულების კონტროლი

8.1 ხელშეკრულების შესრულების კონტროლს განახორციელებს ----- (დაზუსტდება ხელშეკრულების გაფორმების მომენტისთვის).

8.2 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს და შესაბამისი დასკვნით ადასტურებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.3 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

8.4 თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით ან/და არაჯეროვნად შეასრულებს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 9.3 პუნქტით გათვალისწინებული პირობები.

9.5 წინამდებარე ხელშეკრულების მე-6 მუხლის 6.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.6 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემზარგოს დაწესება, სახელწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2019 წლის 31 დეკემბრის ჩათვლით.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

შემსყიდველის მხრიდან:

მიმწოდებლის მხრიდან:

ეკონომიკური დეპარტამენტის უფროსი
